

續修四庫全書

《續修四庫全書》編纂委員會編

續修四庫全書

上海古籍出版社

一五七七・集部・別集類

松壽堂詩鈔十卷

陳夔龍撰

一

楚望閣詩集十卷

程頌萬撰

一六五

石巢詩集十二卷

程頌萬撰

二四一

太炎文錄初編六卷補編一卷

章炳麟撰

三三一

靜庵文集一卷詩稿一卷

王國維撰

六一三

共十卷

松壽堂詩鈔

庸庵

宣統三年歲次辛亥季冬月刊於京師

序

夫經濟之贍原於學問而學問之中若經若史爾以爲根柢之培養至於隨地發皇以寫其懷抱抒其識略則非詩莫屬也蓋詩亦經之一端而爲詞章之權輿其實三代之文無一不有韻易書皆然胥可作詩觀也惟諸經之韻隨其詞而相叶詩則專理其性情故有誦其一二句而卽知其一生者則詩之爲用大矣然此興賦三體中各有難易若典麗商皇博雅翔洽此以書卷勝者其境尙易所謂賦也若忠愛纏綿之摯倫常氣誼之孚居今思古之懷憂時論世之寄與夫山川登眺月露流

松壽堂詩鈔 序

連皆涉此興則非有真性情者不能道蓋忠孝節廉非可以矯飾必發於中藏之固結而持以特立不懼之貞操始克臻一成不易自在流行之止境況又深之以庭訓加之以母教則其涵養於童蒙動忍於空乏較尋常之得力者倍優焉余同年貴陽陳尙書其經濟之遠夫人而見之知之矣而經濟之所以遠人知爲學問中來而不知學問之表見尤先著於詩也公自少而孤賴姜太夫人教得以成立及登賢書爲太夫人介五秩壽猶及見之斯亦足以慰母志矣而公自悲陟屺仍體先志刻苦潛研遂捷南宮觀政戎曹旋登祕省方居清要而

京師庚子亂作 先朝以綏輯首善非公莫屬特擢京兆尹 兩宮西狩留京參定款局 宗社再安厥功最偉及 回鑾後以公有命世才欲使天下俱蒙其澤於是有開藩汴中之 命未幾卽移漕督又撫汴撫吳顧念三巴蠶叢密邇西藏非有宏材碩畫不足鎮懾廼由金閭 詔督兩川順道乞假回黔省視先壠中途又調兩湖復以畿疆筦鑰交涉尤多不得其人則全局搖動上咨盈廷僉曰公可於是又由鄂督直溯自庚子至於去年十二稔中開府七省所到之地不矜赫赫之名從容坐理未嘗少動聲色雖艱難棘手之甚者皆談笑

松壽堂詩鈔

序

二

定之初不見措施之迹而閭閻被其福商賈蒙其利山河賴以靜謐而匕鬯不驚梯航因之洽愜而槃敦相踵於是 朝廷無東西顧之慮遂得 恭己無爲垂裳而聽天下猗歟休哉公之助勞固大遠乎人矣然迹其在官平日以習勞爲事文書堆案而未嘗告疲暇輒與當世聞人如吾師俞曲園先生汪郎亭侍郎互相贈答否則與齊年舊好及賓僚諸君唱妍酬麗有古人雅歌投壺圍棋破敵之量其公餘退食則又偕淑配許夫人或爲聯吟或爲廢和蓋閨房之中仍具雅正之聲焉 橋山隕涕不無增攀髯之慟風木興嗟又時觸廢我之感

松壽堂詩鈔

序

三

兩調錦瑟則思及年華疊隕掌珠則憐深香茗而悲惋之中淚可竭而詞不枯腸欲斷而思不窮又公之福澤有以涵浸於言詞之表緣富貴人吐屬雖極蒼涼語要亦不見衰颯也至於一草一木一花一蝶凡觸於目者無不彰之於詩蓋公有人技已有之量於人之材能雖片長有必錄而獎借有不遺餘力者卽卉木飛潛之偶露其迹皆不欲沒其殷勤結撰之心亦猶是愛才深意非徒侈瑞徵與靈蹟之奇也若夫內政不綱聞之而興歎民氣日蹙觀之而動容不露之於言而俱形之於詩則詩可作野史觀也至倫紀之脩飭手足之勗勉單詞隻字皆可令人奉之作家範讀之成座銘又豈僅吟嘲風物而已哉蓋公得天者厚而少時已讀破萬卷故雖軍書旁午曾不見其少荒經驗者多故敘議兼施凡風土人情悉足借爲龜鑑加以生長名區既秉鍾毓之秀而服官所到名山大川長江巨海無不豁公眼界而赴公詞源故其雄放也若河聲綠色皆欲佐其吐吞其清麗也若湖淥泉香亦欲供其蕩滌况幼處之境艱故洞觀世變而詞無不達一一中理中年之境適故心氣和平而無所騎侈觀丁文誠贈布裘一襲衣之三十年猶不敢忘與公詩所謂閱盡人情賤物理理頭勝讀十年

書者可以知公得力之所在矣余以光緒初元與公同舉於鄉彼此計偕北上相見於京師及同官日下蹤迹又甚密公每有新詠必以見示北年余索處都門公正保釐三輔不以雲泥見隔而酬答更無虛日及去年余避地津門依公甘棠之蔭而公急流勇退又賦遂初所居且復咫尺於是翰墨之親益甚於昔因以大集將付剞劂索爲弁言余素不文何足贊述萬一然讀公之詩可以知天下之安危則公詩之所繫爲尤重也試觀公所至之地雍容揄揚比戶皆安然樂業蜀未至而蜀亂去吳去鄂而兩地皆相繼告變去直未一月而河北一

松壽堂詩鈔

序

四

炬保陽各屬無一安土斯皆近事無待遠徵此外消弭於無形而世所不知有僅流露於詩中者則觀公之詩可以知公之學問卽以知公之經濟立言立功並垂不朽其斯集之謂乎至於詩之宗派出入於李杜韓蘇白陸諸家而五言之超逸竟欲直接淵明上追建安諸子世之善讀公詩者自能知之余固無待贅言也壬子清明後五日姻年世愚姪徐琪謹序時年六十有四

自序

余非能詩也亦匪欲以詩人著稱也顧回潮六七齡時先大夫曾授秦風馴鐵小戎諸什未嘗不穆然以思畢然以望幾不自知其何以低徊而往復也稍長於佔俾之暇雅嗜聲韻泛濫諸體苦無所得及客丁文誠公幕府遇王湘綺姻丈於蜀中每說詩討論源流多所啟悟詩格一變逮撫三吳遇俞曲園姻丈於金閶相與究論漢魏以來諸家之得失繼以酬唱詩格又一變顧少壯之時方習舉業未能專精理詠泊通籍而後簿書鞅掌終歲僕僕雖不廢吟嘯亦未得以湛深微妙之思闡發

松壽堂詩鈔

自序

一

意象忽忽年五十餘矣適以乞退獲請養疴津門去市廛絕遠慨念世變杜門卻埽因得餘閒檢校舊作痛自芟薙哀然成集回溯辛丑以前所作隨時散失加以北京庚子之變積稿付諸兵燹今茲所錄十不存一釐爲二卷命之曰壯遊集燕臺集及忝膺疆寄官隨地遷遂各以其地名之曰淮浦集曰大梁集曰蘇臺集曰鶴樓集曰北門集戊申乞假省墓居里門涉道塗者凡六閱月得詩若干首別爲一卷命之曰征鴻集甲辰初春余在汴梁與內子亭秋因時遣興發爲詩歌更唱迭和得若干首乙巳紋女之喪幽憂韞結難以爲懷復與亭秋

各得哭女詩若干首都爲一冊如古人外集之例附於諸集之後命之曰偕園集偕園者亭秋往歲在杭卜宅一區小有園林爰署今名爲異日偕隱地也余既哀錄叢稿門下士有見之者請付剞劂以廣其傳余曰是烏足以問世雖然足跡所至山川之吟眺友朋之酬酢風景之流連身世之根觸並略見焉卽謂是刻爲余紀遊之篇抑可矣詩人云乎哉宣統辛亥除日庸菴自序

松壽堂詩鈔

自序

二

序

古今詩人蹤迹各異性情略同巖壑之士冥心搜索閉門得句負薪行歌於一句之巧則林鳥和吟鬪一字之工則鳴猿應節登山則巖磴別露臨水則波壑潏洄幽秀巉刻孤僻之性潛符激楚沈吟長往之情冥契古所稱林逋魏野詩以窮而益工者也若乃遭際巖廊敷歷中外吐納宮徵卷舒雲霞晝日三接宸喜起之篇賞賜駢蕃歌紀恩之什聯吟東閣矢口偕燕許齊名酬唱西崑抗懷與楊錢接蹟管領名區鎖鑰雄鎮前驅迤邐一鞭敲鐙之詩榮戟森嚴五夜鈴閣之詠此又一官一集

松壽堂詩鈔

序

一

宜雅宜風古所稱卷阿矢音清風穆如者也吾宗筱石制府早歲掇科妙齡射策牽絲戎府掌握蘭鐙之司通籍禁門翔步花氈之影京兆回旋問卿晉秩日下馳鳴鶴之聲輦轂有雕龍之客招邀吟侶徵逐詞場深巷買花之使豔入吟毫章臺拂柳之驄韻添眉史休沐雅集一篇擊鉢之章曲宴聯吟五字長城之句暨夫承宣蒞翰節制漕渠汴京吳趨之撫循楚水燕山之管鑰綰綬名都握符勝地輕裘緩帶不廢篇章投壺雅歌徧徵唱和廣幕聯雲策士偕詩流雜坐胡牀嘯月吟箋與章奏齊飛今所哀輯壯游燕臺淮浦大梁蘇臺征鴻鶴樓北

門借園諸集是也返覆誦跌宕沈吟大都山川眺覽以蘇臺爲優驛堠登臨以征鴻爲勝良由性情曠逸襟抱幽閒謝客之守臨川載歌洲島白傅之吟吳會五宿湖中鄧尉靈巖之勝收入錦囊支硎元墓之奇取攜蠟屐黔興楚艇夙寄遊蹤水堠郵籤悉登吟笈凡此行役之篇妙得江山之助志齊管樂而性偶巢由續炳旗常而情同帶索斯所謂混沈冥通顯爲一途齊臺閣山林爲一致者也迹其生平可得而言起家仕族早具沖襟超列華階儼同布素耳目鮮玩好之娛左右無姬姜之侍名流招攬詩酒留連退食餘閒清談竟日及坐鎮津

松壽堂詩鈔序

沾密邇畿輔綽素昔日之歡曲申懇款都門坎軻之士不閒唱酬黔中耆舊之詩四朝風雅之選不惜分俸鏤板以廣流傳蓋由深悉此事之甘苦故爲當世之雅宗綜觀全集良多合作上希大歷下逮長慶五言深於儲柳七字妙合錢郎斯可播諸藝林標之月旦者也宣統辛亥冬黔靈山樵陳田序於津門

松壽堂詩鈔卷一

貴陽陳夔龍跋

壯遊集

起丁丑迄丙戌

丁丑下第南旋途中作

李程登第日蘇季返鄉年行止都無地升沈總聽天客途黃葉裏親舍白雲邊回首春明夢陶然又惘然

江行

漁罾蟹簖寄遐思萬里還家客路遲落日昏黃山一髮秋風瘦損柳千絲鶻聲拍浪飛來渡塔影題襟醉後詩可借江南金粉地而今不是六朝時

松壽堂詩鈔卷一

甲申三月成都就姻戚賦

寒甚逋梅繞墓栽穠華又報李桃開五年飲恨看銀漢一夕催妝詠玉臺恨受蜀塵懷亮略垆非齊贅識髡才

時以管錫而兼職勞勞行脚孤遊倦重遣紅絲繫一回

南磨微薰靜不言春風消息滿芳園眉痕若畫愁新樣劍氣難磨憶舊恩琴已罷彈絲再續繅雖工織素何存浣花居近詩人宅玉臂清輝倚幌論

乙酉春仲隨侍外伯舅丁稚璜宮保川西閱武行

館賦呈

詔書朝下紫微天大閱行春典禮沿葛相神威宜鎮蜀

贊皇心力爲籌邊輸誠合下羌酋并問俗周諮牧令賢
績在旂常碑在口尙書持節陋燕然

旌旗十里望中收白馬龍潭紀盛游新戶已教成熟戶
翠州初發又松州窺邊舊數奴兒結內附今多悉怛謀
草木也知春有脚預傳芳訊滿星郵

傳聞閩島盡泥封一紙援書達 九重特爲川南留節
度苦思臺北樹臨衝萊公鎖鑰經年寄蕭相軍儲數道
供莫謂西陲忘戰守痛心常欲抵黃龍

百事終童少不更款關無路請長纓非緣近代多邊衅
可奈書生秉國成投筆敢希班定遠護羌全仗趙營平

松壽堂詩鈔 卷一

二

私心早切執鞭慕幸逐元戎小隊行

汶江早發過飛沙關大風

我從濯口來沃野滿川陸地闊天復寬一一豁雙目大
江日夜流東去浪馳逐爲尋江之源有似探星宿朝發
綿虜縣地脈與雲臺初若登天關漸如入幽谷怪石虎
牙撐危磴羊腸複日氣隱沈沈風聲鳴謾謾尙有不盡
雪作勢待滕六此邦少人民羌氏雜居畜耕鑿無所事
十稔九不熟山來地不毛安冀廩藏穀我本憚行人自
哂因人碌長途餘落日高臥輸黃犢我我飛沙關未發
先額蹙干牛作怒號萬馬急飛鏃亂石奔向人欲避不

可伏偃僂喻循牆舉足將縮縮得非僕告痛毋乃車脫
轂阮途無此窮臨風試一哭客歲下夔門猿嘯慘肌肉
巫峽徑險巖江水波洄洑昨披劍閣圖煙雨滿尺幅天
梯石棧通一綫轉樞軸嗟哉蜀道難斯語宜三復那知
夔劍外天險難更僕少保持旄節神威百蠻服膜拜忘
路艱歌舞萬花簇籌邊樓久圯安戎城罷築王道今蕩
平甯須詹尹卜

贈王壬秋院長丈

湖海爭傳老輩名每褰蜀錦憶湘蘅北朝詞賦南華理
匡鼎經師許劭評誰向後堂稱弟子那無前席動公卿

松壽堂詩鈔 卷一

三

君家舊有龍門策肯爲蒼生獻太平

灌縣道中懷元配周孺人淑卿

剪刀風斷隴頭雲二月春寒宿草墳六載傷哉成永訣
東坡孤負魏成君
灌水滔滔日夜流夫君何事覓封侯陌頭柳色青如許
不見閨中少婦愁

離堆

片石巍然立神工鬼斧成中流資砥柱陸海得長城不
盡秦時水爭刊太守名祖龍鞭不得永鎮蜀江清
百丈驛花朝

已拚一夢寄僧寮無復詩情上柳條客裏不知春色老
亂山風雨度花朝

舟次夔府寄丁价藩觀察時權鹽道

訪戴曾思雪夜過夔門回望錦江波回翔廿載中書省
憔悴一官劬子河 帝命權充鹽鐵使民懷齊唱袴襦
歌南陽諸葛躬先瘁費董同寅要協和

望嶽篇

泰嶽巋巋衆山屬齊魯分青到巴蜀日日在山不見山
回首雲煙渺如玉憶昨單舸來夔巫尙書一見笑捋鬚
汪汪千頃清白水頓使凡垢獲滋濡兩載叨陪情未已

松壽堂詩鈔

卷一

四

不特感恩更知己羊曇曾侍謝安游蘇子屢邀祁公視
別有天涯鴻雪緣春秋佳會足流連楊柳色開官驛路
桂花香拂孝廉船書生報德有深意權向侯門掌書記
讀徧忠宣十萬言賈董匡劉腕前萃井蛙自古嗤益梁
今日棋局變蒼黃五印度通前後藏坐使英俄開井疆
武鄉文饒空引領一老瞠瞠獨忠鯁師船方渡鹿耳門
鐵路又過多吉嶺豪氣雄略中外憑如公方許佐中興
曾左先祖彭李老邊臣回首望觚稜我偕計車適京國
再拜辭公公太息諗知老臣憂國心祕密未可恆情測
別已難堪况浹句祝公珍護杖朝身他時得請賦招隱

我是嵩山問字人

瀕行公有嵩山招隱之約

人日行襄鄧道中示馬柘村孝廉

去年人日劍南道錦城絲管紛紛好今年人日白河口
爆竹滿街春色早人生哀樂苦無端誰向尊前寫懷抱
卻從今年憶去年問柳尋花太草草我曾誅茅夜郎西
十載落魄江湖老卞和泣別楚猴笑臣朔苦饑餓儒飽
游客何心適大梁佳人枉說多燕趙昨夜東風著意吹
夢中喚起春婆惱天公不恤倦游人催著衣裳時顛倒
臨行且住幾徘徊狂歌滿地愁難掃此邦獲遇馬季常
白眉無雙孤鶴矯十四藝中經策優二百年後科名肇

松壽堂詩鈔

卷一

五

人傑端不因地靈會踏花輒入蓬島我家亦有百尺樓
對君殊覺豪氣少傳聞燕臺市駿骨斯才何止千金寶
郭隗燕昭那足言 聖朝自有鳳樓造相逢一笑值人
日共策征鞭試騷裏題詩漫欲擬高岑交誼惟須聯管
鮑櫻桃斜市儻相憶一角夕陽澹飛鳥

松壽堂詩鈔卷一

松壽堂詩鈔卷二

貴陽陳夢龍後石

燕臺集起丁亥迄辛丑十月

卽事

巍巍宮觀矗雲黃肅肅鸚鵡漢道昌饒有金錢輸少府
漫勞車騎獵長楊爛羊幾輩稱都尉斬馬何人請上方
厝火積薪誰省識賈生猶幸遇文皇

樓頭花萼故芳菲尙拂 先皇舊賜衣北寺祇今貽黨

禍東山從古詠公歸飛鴻落落憑誰纂鳴鳥聲聲早息

機回憶鼎湖龍去日廿年心迹未曾違

松壽堂詩鈔卷二

中牟東望勢磅礴莽莽河流夜有聲萬口囊沙人命擲

三公築室道謀成黃金浪費空填海白壁爭投未洗兵

獨憶盡臣修捍績侯林磬鼓賈莊營

書生何意欲爲顛咄咄頻呼怪事傳名士清談齊掃地

相公隻手漫擎天烏衣江左空殘照大鳥關西起暮煙

贏得閒身容嘯傲玉堂回首不勝憐

送李夢九舍人之官滇南

綸閣回翔十五年朝衣香染 御鑪煙紫薇省裏隨仙

仗紅樹江干放客船萬里風塵邊徼黑九秋月影故鄉

圓便道離亭折徧都門柳濁酒難傾餞別筵

宦途南北雨浮萍千里滇池聚德星須向佛參平等法
莫因人建最高瓴陶情花下調鸚鵡卻病松間採茯苓
遙想邊城更鼓永漏聲如共早朝聽

少石大兄久任漢陽意殊鬱鬱寄此廣之

燈花昨夜燦銀釭晨起開絨鯉躍雙共說一州爭借寇
誰知百里尙羈龐暫同秋燕依珠箔聊撲春花醉酒缸
三徑尙無陶令菊莫將歸興寄吳艣

冬夜不寐有懷丁文誠公適聞慎五觀察甘中政

續喜而書此

胸中作惡因何事知已深恩忍棄捐蜀國招魂空隕淚

松壽堂詩鈔卷二

嵩山偕隱竟無緣慚非國士難云報始信文官不愛錢

賸有琅琅遺疏在翦燈呵凍爲公編時爲公編奏疏已次第付梓

侯家林與都江堰先德勳名自不刊何意章平延世澤

又從秦隴障狂瀾河汾舊德林鴻集羣石新猷堞雉完

聞說大名題 御展觀光遲子話桑乾

許仲弢廉訪由京赴閩臬任病歿申江作此哭之

綈衣持節南閩去竹馬爭迎舊使君齊化門前供祖帳

春申江上唱秋墳西河喪子身借隕北海論交刺可焚

苦索檳榔何處覓夜闌酒渴感離羣

歲暮雜感

鼙鼓聲聲暮景催
郎潛差喜放衙回
一官飽啖鹽齏味
大地能容襪綫才
小隱蝸牛安我拙
逐塵驄馬叱人來
曾無拔劍酣歌興
輸與王郎賦莫哀

杜鵑聲裏度津橋
元氣中原未盡凋
漢代樓船通百粵
虞廷干羽化三苗
淮濱虢虎容還整
海上游龍氣不驕
竊喜時清宸賞洽
好展雅頌答熙朝

芝榮菌落本無常
殘菊經秋尚帶霜
薄宦久虧張仲產
獨醒難學次公狂
雙輪輓輓空馳電
十畝閒閒好種桑
臣朔年來最蕭瑟
不堪生計累詩腸

負荷無能愧析薪
先公墓草已如茵
新知半是觀棋客
松壽堂詩鈔 卷二

舊侶都無戴笠人
八口雞豚依日下
十年書劍老風塵
平生駟馬高車志
付與煙波望五津

電掃黃巾定白波
中興景物竟如何
花迎鳳蓋尊堯
母石鑿龍門導禹
河韓范中樞舟共濟
甘陳絕域盾堪磨
維魚盡入豐年夢
寄語三農早荷蓑

蘭裊山陰後視今
茂陵秋色自蕭森
新亭盡灑英雄淚
伏櫪空縈烈士心
湖海元龍饒意氣
湘江屈子入行吟
無端根觸中年感
豪竹哀絲寄賞音

萍梗天涯此駐驂
尋真五嶽興猶酣
游梁舊侶思枚叔
入蜀新詩憶劍南
前度桃花人去後
昔年楊柳我何堪

而今塵慮獨除盡
千頃江波萬象涵

自公退食賦委蛇
春到梅邊信復疑
絲繡幾人酬趙勝
琴音何處訪鍾期
思兄有淚惟看月
生女偏憐解誦詩
畢竟故園歸去好
釐磯料理釣竿垂

少石大兄卓薦來都事
旋同鄂賦此贈別

燕山九月天飛雪
茶竈無聲酒不熱
與君共保歲寒姿
底事歸心逐車轍
君來桂月湧冰輪
君去梅花剛破春
來既忽忽去又促
臨歧愁煞送行人
憶昔髫髻百不知
但解謳歌棠棣詩
聯牀風雨等閒過
轉瞬非復年少時
一從織就登科記
西燕東勞各異地
鵲鴿原上憶同懷

松壽堂詩鈔

卷二

四

黃鵠磯頭迎使騎
我時浪作錦官游
君宰筑陽已數秋
傳家尚有父書在
清名高播峴山頭
蜀國歸來復何有
一尊盡醉襄陽酒
蓬飄誤涸輓紅中
從此爲郎甘白首
登仙此日羨班生
回首蓬山清復清
九重未覺天間遠
一字欣邀華袞榮
況逢佳節君記否
人生難得重攜手
同插茱萸共題糕
此游真不負重九
西風一夜客衣涼
君忽別我意慨慷
酌酒留君不肯住
白日黯淡塵飛揚
回頭記取來時路
東海而今消毒霧
舉足便是申江戍
暮發潯陽朝北固
何時再啖武昌魚
計程先見漢陽樹

哭昌祺大姪

纔續鸞膠賦七襄那知一病入膏肓耗傳鄂渚三千里
痛隕韓家十二郎春夢易醒無天相秋風多厲誤醫方
阿咸已矣竹林黯望斷窮途淚兩行

記得垂髫上學時西窗親與課毛詩而翁遠客勞瞻望
大母偏憐好護持郁郁猗蘭饒異卉森森怒筍挺英枝
南船北馬尋常事千里家駒仗此兒

辛年我病長安道勞爾北來問起居瞥見頓驚頭角異
愛深不惜齒牙餘圍棋謝傳兒曹事畫虎文淵教誡書
八月罡風吹席帽忽忽催汝賦歸歟

松壽堂詩鈔

卷二

五

未必昇仙豈化禪招魂應在楚江邊相隨投効成虛願
若寄浮生惜盛年腹痛難尋千日酒手書猶賸五雲牋
秋來我亦支離甚話到宗祏意惘然

寄內子亭秋主人杭州兼示紋女

砧杵昨宵夢琴書去日裝幾曾經喪亂一病不尋常念
子九秋別憐余三徑荒干戈猶滿地愁恨兩茫茫
膝前初學步倉卒賦南征何與汝曹事也隨阿母行江
天雲萬疊燈火夜三更夢到迷離處聲聲喚乳名

津門卽事

出郊纔十里風景澹無垠野渡青衣水人家白板門麥

香間隔隴柳綠又前村鐘日紅塵裏難將雅俗論
暝色入蒼茫驅車我馬黃偶來桑下宿不是越中裝酌
酒天難問看星夜有鉞何當鐔百慮一枕黑甜鄉
舟人爭渡急而我獨蕭然行李隨身便垂楊別緒牽荒
寒沽口戌安穩潞河船莫向江湖老長安近日邊
立馬意何如津門偶駐車由來三輔地不到十年餘丞
相和戎去蒼生託命虛時平無一事擘蟹飽銀魚

上榮仲華師相

維嶽嵩高秩望崇熙朝柱石幾人同門羅將相文中子
氣懾蠻夷郭令公東閣館開新位業西京閭寄舊元戎

松壽堂詩鈔

卷二

六

金甌玉斧非常事合奏中興佐命功

甘泉夜半警傳烽話到 先皇淚滿胸累代未歸華表
鶴寸心空抱鼎湖龍新知李晟諸蕃種故侶文忠宿草
封誰向三朝矜早達歲寒猶有後凋松

灰心霜鬢爲談兵析木星高壯此行 北闕真除宣紫

詰東山再起慰蒼生將軍角鼓連營肅士女香花夾道
迎褒鄂英姿房杜績凌煙傑閣待公撐

日近長安返上都遙知丙夜對青蒲棘門灞上皆兒戲
無逸幽風入畫圖賓館求賢情若渴將門出相理非誣

鯁生那有封侯願一識荊州膽氣麤

偶遣

秋光侵我半屏柴，睡起貓睛報午牌。不爲齋魚來叩寺，偶思花鳥過斜街。百錢拄杖身還健，二頃謀生願總乖。無那西風吹獵獵，寒衣誰與預安排。

古北行上榮仲華師相許筠庵尙書師兼示恩駿叔戎部左笏卿陳簡暉兩比部

光緒丙申十一月傳車北指檀州驛，漢廷特進位三公。唐代採訪使四出，大司馬與大司空相業經師世無匹。雙銜丹詔入雲中，三輔蒼生見日色。奉命借行有數子，珠光劍氣倘相似。大海浮萍聚亦奇，佳話留汚後松壽堂詩鈔

卷二

七

人史賃得鹽埠寄官守都護倉皇令避走，日治官書夜賦詩。恍似漁洋司李時，左生讀書兼讀律。浩落鬚眉森張骨，活人旁通素問書。治獄不矜鉤距術，六郎才調最超羣。肝膽照人平原君，有時談笑萬花放。四筵頃刻春風溫，就中元龍最軒翥。百尺樓高牀上住，蓬萊清淺不可居。昂昂欲向滇中去，我學書劍兩不成。四海淪飄七尺身，忽然蹭蹬兵曹裏。頓使面目浣縞塵，夏日高高官事了。驅車曾發津門道，同來此地又停驂。晚節松操期共保，虛堂明鏡懸當中。上座巍巍兩鉅公，閱盡情實發尊指。簽名牘背署官紙，椽燭燒殘墨未乾。綠章馳奏

九重天忙煞蘭臺兩枝筆，鴻飛鳳舞蛟螭簿。書裁判尋常事難得，東井五星聚破屋。三間低壓眉聯牀，十日臭通鼻叫號。歡呼無不有脫略，形骸忘老醜。前席曾分宰相羹，後堂留飲上尊酒。此行幸不汙車茵，牛關山勢何嶙峋。明年此日若相憶，散作東西南北人。

密雲行館笏卿比部以詩見示依韻奉和

造鳳推能手，才名讓老兄。十年同拙宦，一夕話平生。古戍前朝鎮，津門舊日程。水仙與梅萼，爲我助詩情。

疊韻呈仲華師相

僕射人中鳳相依，如父兄救時賢宰相。勸學老書生

松壽堂詩鈔

卷二

八

帝謂天生李八爭雪立，程東山今再出憂樂總關情。

再疊韻呈筠庵尙書師

公門桃李盛栽植，到阿兄模楷推先輩。儀型式後生使星臨古驛，晴雪紀征程。官舍承師訓，殷殷問字情。

三疊韻轉酬笏卿比部

不因同館舍何處識吾兄，地重秦三輔名高魯兩生。挑燈消永夕，攬轡記歸程。道左梅花發，應兼杖杜情。

四疊韻贈駿叔戎部

長安人似海肝膽孰如兄，磨蠍憐坡老聞雞羨祖生。簡書裁雪夜劍氣卜雲程。明日南衙去，無忘此夕情。

五疊韻贈簡輝比部

季方真我弟而我豈難兄得句慚三上浮名誤一生君才空冀馬官好紀渙程回首西清夢應難遣此情

丁酉冬月于役薊門感逝

今夕何夕明星煌薊門譙鼓夜未央遙望齊州九煙點感恩知己心旁皇中興功業郭李並朱邑不葬舊鄉井明湖柳色何青青蜀相祠堂松柏冷

平遠丁文誠公

中書門下雙直廬先生出入冊載餘絕口不言溫室樹

焚香惟草薦士書諸公袞袞列八座有容誰似臣一个

邦國未瘁人云亡雪冷筠清不敢過

仁和許恭慎公寓齋內舊有筠

松壽堂詩鈔

卷二

九

清館

幼承祖德托風雅弱冠書名滿都下先生翩翩著作才

大筆上凌班與馬 龍飛恩榜夜郎開榜櫟曾傍公門

栽五十人中最年少而今兩鬢霜皚皚

番禺張南軒編修師

閱閱子弟驕紈綺相攸乃在草茅士愛才公似杜祁公

無賴我慚蘇子美循聲傳徧黔山陽使君活我民不忘

巫陽下詔何太速我欲披髮問穹蒼

秦和周春圃先生

我昔不羈若奔馬溺於詞采疏於理規矩獲依大匠門

論文敢薄雕蟲技絳帷回首二十春飄零書劍老風塵

梁木已壞將安放廬墓心喪愧昔人

貴筑譚紫垣大令師

憶昔潛伏里閭久論交獨與羅生厚時從南畝策烏牛

或向東門牽黃狗錦官一別各西東總帷千里生悲風

慚愧巨卿負死友黔山疊疊煙濛濛

貴筑羅著卿廣文

秋風颯颯吹竹林中夜起舞感不禁阿咸已逝不敢哭

徘徊欲投江之濤昨宵忽在夢中見翠竹黃花吟白戰

寒雞無那五更啼殘月正照窗東面

亡姪昌祺

過富新莊懷傅文忠公

田寶當年有賜莊富新秋色莽蒼蒼一門將相昭陽寵

千古河山異姓王侑食魂依原廟遠紀功碑沒墓田荒

我來憑弔空懷古立馬荒祠奠夕陽

松壽堂詩鈔

卷二

十

馬蘭工次月夜懷亭秋主人

入耳松風和漏寒夜深遲月上闌干遙知今夕紅閨裏

閒吮霜毫畫碧蘭

怯涼珍重理熏篝倦繡猩簾早上鉤嬌女不知阿母意

唐詩一卷問從頭

無題

一錯無從鑄六州樓船高據海東頭覆亡何止長城壞

鼯睡翻爲臥榻謀幾見班超入虎穴強教項羽割鴻溝

民心未渙天胡醉回首艱難叛業秋

松杏當年莽戰場雄關一下卽眞王除苛頓改羸秦法

變服新成趙武裝，祗道共球來下國。更誇車馬狩岐陽，
太平萬歲臻全盛。豈料而今飼犬羊。

五市黃金買禍胎，燒煙舛爲五洲開。白門舊約蒼黃定，
招寶忠魂痛哭來。五十年中多覆轍，二三臣已委荒萊。
日南又棄珠厓郡，人事天心儘可哀。

魯國河山付兩生，南人騰笑北人驚。商於詎楚謀原左，
甬上封吳兆已成。豆剖瓜分歸浩劫，黃龍清酒負前盟。
長星天半增芒曜，斜倚闌干夜未明。

無端燕雀笑鵬鵬，蕭艾芝蘭共上升。鑿空豈能追博望，
救時何處覓江陵。誰憑利劍先誅佞，我意炎山早化冰。

松壽堂詩鈔

卷二

七

怪事傳來真咄咄，爛羊竈養盡飛騰。

題張晚九侍御小影用元韻

超然象外得環中，攬鏡偏能補化工。峽水詞源三影共，
曲江風度九齡同。曾看鐵面經霜冷，想見丹心捧日紅。
吟興如公真健者，新詩字字已豪雄。

大名清澈鳳城巔，彷彿霓裳壓衆仙。赤棒曉巡青瑣闥，
繡衣暮惹御鑪煙。萬人曾沾甯國報，十載同官夙締緣。
展像可容留贊語，讓君先著祖生鞭。

庚子秋與亭秋主人同處危城，頗資共濟。辛丑八月，
月大局底定，忽憶鮑鱸，作此留之。

棋局倉皇勢不支，干戈滿地更何之。君王豆粥艱難日，
士女壺漿懇款時。獨賦小戎憂社稷，對他弱質愧蛾眉。
眉秋風忽動鮑鱸興，歸語西泠舊侶知。

祗道笙歌樂太平，誰知烽火照咸京。身隨秋燕棲難穩，
眉鎖春蛾畫不成。笑我一官如傳舍，累君千里計歸程。
驪歌舊是尋常曲，此日銷魂是此聲。

頻年鴻案兩相莊，亂後餘生託上蒼。圖裏流民資潤色，
廚中官米費籌量。愛花雅抱泉明癖，求艾珍儲仲景方。
我欲偕歸歸未得，心隨明月到錢塘。

松壽堂詩鈔

卷二

七

翠草新迎薊北鸞，佳節況逢秋旖旎。閨家聊共月團圓，
樂猛聞斯語，心情朗濁酒千觴，一醉乾。

辛丑八月交卸尹符奉命留辦蹕路要工晴窗
無事作此自遣用許子原侍御和晚九給諫留別

元韻

國尙如斯敢問家，無田休種邵平瓜。偶因刻鵠聊同鷺，
漫謂飛蝗盡化蝦。後夜夢尋前夜月，今年人似去年花。
白衣蒼狗須臾事，宦海浮生信有涯。

綠蟻而今已漸晴，閒來消遣睡中魔。煎餅舊壘低徊久，
客到新亭感慨多。劫後棋枰須穩著，燼餘詩卷費蒐羅。

合將陶侃窗前壁喚起劉琨枕上戈

得計依劉笑語陪中宵蠟淚未成灰好同明月開花徑
那有長星付酒杯捷到甘泉丹禁肅春先梁苑 翠華
來微臣但解河清頌再造江山大有才

周京鐘簴要人扶袞袞諸公其庶乎夜雨鈴淋聞閣棧
秋風帆影憶江湖慚無骨相持金印賸有冰心在玉壺
彈指滄桑人事改回思舊夢總模糊

和子原侍御詠雪詩用東坡聚星堂韻時辛丑十
月三日

風勁天低木脫葉一夜千山萬山雪朝來捲幔雙瞳開

松壽堂詩鈔 卷二

三

縞素瓊瑤況清絕許侯卽景發高吟讀未終篇心已折
天公玉戲雖偶然坡老風流未漸滅筠清館續聚星堂
七百年中電一掣溯源更有謝家詩舞絮撒鹽散如纈
陶冶晉宋入洪鑪但鬪尖叉君不屑今年同作太平人
回首烽煙去飄瞥呼童掃徑延芳尊舉酒招邀滕六說
煩君六出慰三農農器折銷劍戟鐵

前詩甫成疊韻又至走筆答之

我欲西山看紅葉飢驅鎮日走風雪多君一再賜瑤章
亦如白雪調高絕詩好將毋滿岸成舟回或至剡溪折
北海餐餘漢使歸蔡州捷到降王滅江山人物各不同

都付石火電光掣窮巷偕居我與君似鏡忘形冰解纈
歲寒各保松柏操朔氣幽燕苦騷屑貞元運會詎有窮
輓輓雙丸走如瞥 翠華南渡黃河冰梁苑風流那可
說化工點雪有洪鑪慎勿再鑄六州鐵

松壽堂詩鈔

卷二

十四

松壽堂詩鈔卷二